



Prüm fin dl'edema de campionat stort por la squadra da La Val, che subësc dui goi pesoc dan le publich de ciasa.

Ince la squadra da La Val, sot la direziun dl'alrenadù da l'ann denant Gerhard Hilber, á scomencé só secundo ann tl rode C de 2 categoria. Na bela desfida por düt le grup, che s'á batü cun orenté l'ann denant y purvarà de dé le miú ince te chësc nū campionat. La squadra á bel sughé sües prümes döes partidas ofiziales de Copa Provinzia cuntra l'avarsar da Oberland, daulache chisc ultimi é passá le rode (3-3 a La Val, 2-2 fora de ciasa).

Do les bunes prestaziuns de Copa Provinzia ne ti é le prüm vare te campionat indere nia garaté. A La Val é ruvé adalerch l'avarsar da Sest cotan plö determiné a se tó i trëi punc.

Sot la plöia mët man la partida cun le Sest che chir atira la pröma ocasiun. Dai vint metri pro l'atacant na trata sècia cuntra porta, chiló é le un da La Val Sepl reatíf a desfanté le curan te ciantun. Plö presènta te ciamp é la formaziun avversara, che rōia denant sōn i palés y i sūga fora bun. Insciō ti garetá ince le vantaje al 16[^]. Sōn trata dal ciantun vëgn le sterch Lanzinger lascé sú y pó rebat le curan cun le ce te porta. I ladins stënta a se sbloché y a tigní la posiziun, deblëza che vëgn anuzada bun dal Sest: cun na ripartënza rōia le palé al'atacant Happacher, chësc se fej lerch cuntra porta y tira le palé sot les giames dl portier ladin fora te porta por le 2 a 0, chësc suzed al 35[^]. Tosc pó i ladins jí tla palsa sënza avëi mostré na tlera ocasiun da segné.

Le prüm tēmp se stlūj jō sōn le 2 a 0 por le Sest.

Cun coraje rōia i padruns te ciamp cun n ater spirit y mostra bel atira de urëi rimedié ala debla prestaziun dl pröm tēmp. Ince sce sēgn é le jūch scialdi tl mezciamp avversar, ti mancia ai ladins la dërta prezijiun dan porta. Cun le tēmp che passa se fej ince sintí le nervosism, chiló é l'arbiter le protagonist, che se fej sciampé la direziun fora dles mans. Da alzé fora le duel tl'aria anter n atacant y le defensur Vallazza, ulache chësc ultim se ciafa en comedun y se rump l'os dl nês y sciōche al ne bastass nia, se vëighel alzé na cherta ghela, senza motivaziun da pert dl direttur. Le gran marcé te ciamp y i scrai dl publich rovina le tlima y l'arbiter fej ince ruvé i nonanta menüc de jūch. Nia le dërt dé por la squadra da La Val, che pó sambëgn ince capité. I ladins pó bel se refà chësta dumenia cuntra le Tasten.

La Val – Sest 0-2

Formaziun La Val: 1. Sepl Kantioler, 2. Marco Sottara, 3. Marco Castlunger, 4. Paolo Vallazza (dal 65^a Christian Terza), 5. Christian Dapoz, 6. Max Nagler, 7. Franz Tolpeit, 8. Daniel Frenes (dal 75^a Andreas Verginer), 9. Micky Frenes (dal 70^a Michele Campeï), 10. Stefan Sottara – capitan, 11. Alex Elzenbaumer

Proscima partida: La Val süga in dumënia ai 09 de setëmbur dales 15:30 a Tasten cuntra la squadra de ciasa

Atri resultac:

Altherren (La Val): Welsberg – La Val : 3-0